

Haenh Mbanjranz Gyaеundeі

礼赞家乡美

Aen singz gou youq haenx, ndaej vunzlai haenh dwg “singz heu Cungguck” “dieg miz fwen lailai”, aeu ndaej “ciengj vunz youq Lenzhozgoz”, dwg dieg hai aen hoih Cungguck—Dunghmungz Bozlanjvei daengznauq, dieg haenx couh dwg mbanjranz gou—Namzningz aen soujfuj Mbanjcuengh. Gou daj iq couh youq aen hawsingz neix majhung, ndaej raen mbanjranz ngoenz ndei gvaq ngoenz.

Gaxgonq youq Namzningz, okdou

aeu naengh danci、goenggyauci, seizneix gaenq miz haj diuz deihdiet, vunzlai okdou cungj ndaej naengh deihdiet, dikci、ci caezyungh gizgiz cungj miz, vunzlai cungj naeuz bienqvaq lai. Ginghci hwngfat le, vunzlai goj roxlaex lai lo. Gou gingciengz raen bouxhaici yaek gvaq roen vunz byaij seiz rox dingz roengzdaeuj, deq vunzlai gvaqbae gonq, bungzraen bouxlaux byaij mbouj bienh, bouxhaici simndei de rox deq bouxlaux ancienz gvaqbae le cij hai ci.

Sausenhduiyenz hagdangz dou gingciengz bae guh bouxgagnyienh: Bae yinzminz gunghyenz gip gyaеujien、youq segih baetdeih caeуq sik cingh mbawgvangjgau gwnzciengz bae、caeуq vunzlai gangj baenzlawz faen nyapnyaj. Gyoengqvunz caez henhoh aen mbanjranz gyaеundeі neix.

Namzningz, aen hawsingz gou, aen ranzmbanj gou, vanzging ngoenz ndei gvaq ngoenz, ginghci ngoenz ak gvaq ngoenz. Gou rox, mbanjranz bienq ndaej baenzneix ndei dwg

aenvih raeuz miz guekcoj maenh’ ak, miz Cungguck Gungcanjdangj hungmbwk.

Raeuz dwg daengzcog guekcoj, raeuz guh boux sausenhduiyenz aeu lai roengzrengz doegsaw, dingjmaenh bae guh, lai lienh ndang, caez okrengz guh baenz aen loqsiengj Cungguck Cunghvaz Minzczuz fukhwng hungmbwk.

(*Nanzningz Si Anhningz Lu Siujyoz Siz Cing’ yiz raiz Yangz Yenlinz hoiz*)

Lauxsae Daeuj Cunz Ranz Gou

老师家访来我家

Ndaw sujgyaj ngoenz gyanghaet ndeu, gou raurumz gikgyanggyang daj gwnz mbonq benz hwnjdaeuj, saemxsax haeuj veiswnghgenh bae cat heuj swiq naj. Sawqmwh, soujgih daxmeh yiengj lo, “Vei? Cai lauxsae, mwngz ndei……” Sim gou fwt diuq daengz conghhoz lo, gij baiqninz sikhaek cingsingj caez. Lij baenzneix caeux, Cai lauxsae vihmaz dwk dienhvah hawj daxmeh ne? Gou itmienh doeng siengj sae siengj, itmienh ngeng rwz caeg dingq daxmeh dwk dienhvah. “Cunzranz…… ndei ha ndei ha, raeuz yaep ndeu raen!”

Gijmaz, cunzranz…… Dai lo dai lo, sujgyaj gvaq bae dingz ndeu lo, cozyez sujgyaj gou lij caengz sij saek di ne! Gou bouj haengjdingh bouj mbouj gib lo, danghnaeuz lauxsae cam baenzlawz guh ne? Gou simgip raixcaix.

Mbouj geijlai nanz, Cai lauxsae couh daeujdaengz ranz gou lo. Gou sim baez ndum, ganjgip ndoj haeuj ndaw veiswnghgenh bae. “Yungz Gij, Cai lauxsae daeuj cunzranz lo, mwngz youq ndaw veiswnghgenh ngaiznged gijmaz ne?” Gou haebhaeb heuj, menhnyednyed byaij okdaeuj, heuh sing “lauxsae ndei” ndeu, couh yaek haeuj ndaw rug bae yawjsaw. Cai lauxsae lumj yawj ndaej ok gou simhaw, riu naeuz: “Mbouj gvaqdaeuj naengh saek yaep ha?” Dingq daengz lauxsae baenzneix gangj, gou cijndei baenq ndang gvaqdaeuj, naengh youq gwnz sahfaз.

“Gaej Yousim, gou mbouj dwg daeuj genjcaз cozyez mwngz law.” Gou fwt ngiengx gyaеuj hwnj, angq dwk yawj coh lauxsae, cij raen lauxsae yaepyaep da riu coh gou. “Ndaw sujgyaj, mwngz cungj guh gijmaz lone?” “Hag youzraemx, caeуq daxboh daxmeh bae youz, lij miz……” Gou youh simhaw ngaem gyaеuj roengzdaeuj, mbouj gamj yawj Cai lauxsae lo.

“Lij geiq ndaej cozyez gou anbaiz youq ndaw sujgyaj yaek doeg ngeihcib bonj sawgovai haenx lwi?” Gou ngaekngaek gyaеuj. “Geiq ndaej, gou lij lied le dansaw ne!” Cai

lauxsae itmienh yawj dansaw gou itmienh cam: “Gij saw neix cungj gig ndei, gig hab nienzgeij seizneix mwngz doeg, mwngz doeg le geijlai bonj lo?” “Caet bonj.” Gou miz di daekeiq naeuz. Baeз cuengq sujgyaj, gou couh maez haeuj ndaw doeg sawgovai bae, yienznaeuz cozyez sujgyaj caengz sij, hoeng saw gou cix doeg le mbouj noix ne! “Caen ndei! Lai doeg sawgovai, doiq daezsang doegsaw lijgaij caeуq sij faenzcieng naengzlig mwngz gig miz bangcoh. Ndigah, baeз cozyez sujgyaj neix gou anbaiz gig noix, moegdik couh dwg hawj sou ndaej doenq ok engq lai seizgan daeuj doeg sawgovai.” Daxmeh hix roxnyinh Cai lauxsae gangj ndaej gig deng, mbouj dingz ngaek gyaеuj.

Gaen dwk, Cai lauxsae dawz gij biujyienh ndei rwix ngoenznaengz gou cungj gangj hawj daxmeh nyi, yienzhaeuh doiq gou naeuz: “Mwngz dawz bonj saw bae yawj ba!” “Neix……” “Cuengqsim, gou mbouj youq baihlaeng gangj mwngz mbouj ndei lwi. Gij gezdenj mwngz gou gaenq gangj sat lo.” Yawj lauxsae riu ndaej gig soeng, gou hix cuengqsim lo, ndonj haeuj ndaw rug bae yawj saw lo.

Mbouj rox gvaq le geijlai nanz, “gunlung” sing byajraez he, sawj gou daj gojgaeq ndaw saw rag dauq ndaw yienhsaed, rogcueng fwn doeksasa. Gou ganjgip iet gyaеuj ok ndaw rug daeuj, a, Cai lauxsae cingq caeуq daxmeh doxbiek ne! “Cai lauxsae, gwn ngaiz caiq baema ba.” Daxmeh hah Cai lauxsae naeuz. “Mbouj lo, gou banringz lij yaek bae ranz song boux hagseng cunzranz ne.” De vad fwngz riu coh dou, hai dou byaij bae lo.

Yawj Cai lauxsae youq gyang fwn byaij bae gyaе, gou ndawsim gig gamjdoengh. Couhcinj youq ngoenz cuengqgyaj, couhcinj youq ngoenz fwn doek neix, lauxsae ciuqyiengh gvaqniemh dou, gvensim dou, dou youh baenzlawz ndaej mbouj roengzrengz doegsaw ne?

(*Gyanghsih Swngj Giujgyangh Si Luzsanh Gih Daih’it Siujyoz Yungz Gij*)

Fwj Gwnzmbwn

天上的云

Ngoenz singhgiz, daengx ranz dou bae henz singz guhcaemz. Gou lij dawz aen dizginz iq simgyaez bae, caepcawq yienj rag diuzgo gou ceiq sugfwngz hawj caezgya dingq. Henz singz hoengheiq singisien, gingjsaek gyaеundeі, gyoengq vunzchung doq gwn caz doq gangigoj, gou cwxcaih ninz youq gwnz eij, ngiengx gyaеuj yawj gwnzmbwn.

Gwnzmbwn seizneix lumjbaenz doengh dahaij heunaunau, duj dem duj fwjhau ndoj youq ndawrunj gwnzmbwn daxmeh, yienghhaenx cwxcaih. Gou naemj: Duzcinglingz fwjhau haengjdingh lumj gou nei, hix gaen daxmeh okdaeuj guhcaemz ne! Seizneix, miz gienhsaeh saenzgeiz lo, duj fwjhau ceiq hung ndeu sawqmwh bienqbaenz le dahsau iq ndeu, gou sijsaeq yawj, gwnz fwngz de lij dawz aen dizginz iq ndeu ne! Raq rumz ci daeuj, baihnaj dahsau iq comz miz haujlai duj fwjhau, miz lumj aen yinhfuz seiq faen, miz lumj aen yinhfuz bet faen, miz lumj aen fuzhauh dingzsat, lij miz lumj aen bujhauh yaemsang. Gou rox lo, neix couh dwg aen ginzbuз dahsau iq! Dahsau iq daenj buhlaex saekhau hainduj yienj rag, gou laepda hwnj, sijsaeq dingq, lumjnaeuz caen dingq ndaej nyi diuzgo rwenzchap ndeidingq……

“Yenzyiz、yenzyiz, vaiq gvaqdaeuj, mwngz mbouj dwg naemj rag ginz hawj dou dingq ma?” Daxmeh heuh gou, yaepyet hawj gou daj aen seiqgyaiq ngeixnaemj geizheih dauq daengz yienhsaed, haha, fwj gwnzmbwn caen dwg bouxsaelaux sezswd.

“Daxmeh, gou daeuj lo!” Seizneix dahsau iq rag dizginz iq couh dwg gou lo!

(*Gyanghsuh Swngj Suhcouh Vaigozyij Hagdangz GuYenzyiz*)

